

9
CONCLVSIONES
THEOLOGICAE,
AC PHILOSOPHICAE.

AD ILLVSTRISSIMVM,
ac Reuerendissimum D.D. Iulium Antonium
Sanctorium S.R.E.Card. Sanctae
Seuerinae nuncupatum.



Ad septem est fauces Nili pelicanus, at octo,
Maior vtes Nilo, faucibus ipse riga.

ROMÆ, Apud Iacobum Ruffinellum.
Anno Domini. M. D. X C.
PERMISSV SVPERIORVM.

CONGLVSIONES THEOLOGICAE AC PHILOSOPHICAE

AD ILLUSTRIS SIMVM
AC RERVS PVBICARVM D.D. JOHANNES
FREDERICVS R. E. C. G. R. S. S. S. S.
GENERICVS C. M. M. M. M. M.



AD ILLUSTRIS SIMVM
AC RERVS PVBICARVM D.D. JOHANNES
FREDERICVS R. E. C. G. R. S. S. S. S.

R. O. M. E. 1774
C. M. M. M. M. M. M. M.
T. M. M. M. M. M. M. M.

mo mo
ILLVSTR. AC REVER.

D. D. IVLIO ANTONIO

SANCTORIO

S. R. E. Cardinali amplissimo, ac Collegij
Græcorum Protectori optimo.


Io. Matthæus Careophilus Cretensis
Collegij Græcorum alumnus. S.



OLEBAT Aristoteles
magnum illum Alexandrum
ad bella valde animosum,
sepe coercere verbis (Card.
ampl.) magnam obijciens
iuuentutis ipsius audaciam,
et modicas immaturi animi vires: cui fortissi-
mus adolescens; sine, aiebat, preceptor iuuentu-
tem cum audacia, ne sensim virilitas cum timi-
ditate aliqua superueniat: Gloriosus est iuue-
nem ardua petere, quam prudenti animo virum
sine aliquo præclaro facinore taciturnam degere
vitam. Et profecto etatis ver quandam secum
affert animi facilitatem, ut ad munera qualibet
obeunda, quamuis grauissima sint, cogere illum,


A 2 atque

atque impellere possit. Mihi non ita contigit
neque enim tumet mihi animus, quod magnos
habeam literarum thesauros. tyro adhuc sum,
Et Sacra Theologia non dum perfectus haeres.
Nec ego meis unquam adeo viribus confide-
rem, Vix ut peracto anno, ex quo Theologus
esse coepi, de alijsimo precipue Sanctissimae Tri-
nitatis mysterio tam ardua Theoremata edere
vellem, nisi semper voluntati propria maiorum
meorum auctoritatem praeponendam esse cense-
rem. onus ergo suslineo viribus impar, & graue
admodum, leue tamen (ut spero) reddet, qui igneis
linguis indoctorum hominum illustrauit mentes,
tuaq; Amplitudinis aura, Princeps Illustriss.
cui ob publica, & priuata beneficia plurimum
debeo. Interim ergo, qui tuis illis hoc nostrum
Collegium pietatis alis protegis, me quoque pro-
tegere velis; maioresq; postmodum, ac maturio-
res fructus, quandoquidem tibi uni debentur,
expecta. Vale.



CONCLVSIONES

EX SACRA THEOLOGIA.




SCIENTIAM esse sacram Theologiam, quamuis obscuris innitatur principijs, arbitramur, Immo scientiarum omnium, etiam propriè dictarum, longè eminentissimam.

- 2 Subalternari autem matutinæ Beatorum cognitioni, non Theologiæ ipsorum, siue vespertinæ scientiæ, quamuis acquisita viatorum scientia remaneat in patria.
- 3 Esse quoque vnâ scientiam, vnitatemq; fortiri à diuina reuelatione, vel effectu ipsius luminis, quo assentimur cōclusionibus, per abstractiones enim nō nisi manifestatiuè haberi vnitatem scientiarū.
- 4 Cumq; vna sit, eminenter tamen esse speculatiuam, & practicam, siue potius affectiuam.
- 5 Eodemq; pacto propter suam eminentiam, certitudine omnibus antecellere; Vnde fit, vt Christianus quilibet certitudine infallibili scire possit, in se reperiri fidem infusam.
- 6 Habere autem pro obiecto adæquato Deum sub ratione deitatis.
- 7 Pro capacitate quoque nostra vti plerumque metaphoris: sicut à nobilitate sua habet, vt sub vna littera sint plures sensus, scilicet, literalis, vel historicus; moralis, vel tropologicus; allegoricus; & anagogicus.

- 8 Inter hos vero sensus, ex sensu literali sumi potest certum argumentum.
- 9 Nobilior tamen est spiritualis sensus, non autem semper.
- 10 Vbi vero omnium Doctorum consensus non impedit in aliquo scripturæ loco explanando, potest quilibet pius vir nouum, non contrarium textui, excogitare sensum.
- 11 Vanum autem est omnia velle sensu mystico explicare; sicut errant, qui omnia metaphoricè volunt intelligi; quique omnia explicat secundum propriam significationem verborum.
- 12 Necessaria denique est Theologia; simpliciter quidem, de fide loquendo, nam sine fide impossibile est placere Deo; si vero de prophetia loquamur, sic & ipsa necessaria est ad fidelium instructionem. si verò pro Theologia scolastica sermo sit, sic & ipsa necessaria est ad fidelium ædificationem, & ad propulsandas hæreticorum calumnias.

DE SANCTISSIMA

Trinitate, & de processionibus ad intra.

- 13  LTISSIMUM mysterium sanctissimæ Trinitatis, quamuis nullibi laboriosius quæratur, & periculosius erretur; quia tamen nullibi fructuosius inuenitur; Idcirco fide duce, qua sola cognosci tam ardua res potest, nos quoque aggredientes dicimus, certissimèque tenemus.
- 14 In Diuinis dari processionem ad intra.

- 15 Non tamen hinc sequitur dependentia diuinarum personarum, aut ulla inæqualitas, vt foedissimè Arius putauit.
- 16 Verbum autem cordis, quo solèt Theologi, tamquàm exemplo, diuinas declarare processiones, vniuersaliter loquendo, non distinguitur realiter ab ipso actu intelligendi, nisi tantum ratione.
- 17 Inter autem nostrum, & diuinum verbum multe sunt differentię, & primò quidem in nobis ex indigentia reperitur, ac vero in diuinis propter summam foecunditatem.
- 18 Præterea idem in nobis est realiter intellectio, & verbum, quare per verbum intelligimus. at vero Pater in diuinis non dicitur propriè per filium intelligere, sed intellectiōe sua.
- 19 Cum vero intellectio sit idem, quod verbum, & quælibet persona intelligat, non tamen quælibet producit verbum, non quia non possit, sed quoniam (vt inquit diuus Augustinus) non conuenit, neque oportet.
- 20 Et præterea obstat repugnantia proprietatis notionalis, nec non absurdissimè sequeretur confusio in diuinis.
- 21 Producitur autem filius Dei vel per actum intelligendi, vt Sanctus Thomas vult; vel per actum intellectus, vt Scotus loquitur, nulla enim est inter hæc dicta discordia.
- 22 Neque vero Scotus, dum memoriam foecundā principium proprium esse dicit ipsius dicere, dicere hoc quandam aliam esse operationem ab intellectu realiter distinctam existimat.
- 23 Sicut noluit idem Scotus, dicere esse actum ante intelligere.
- 24 Hæc autem verbi productio, maximè proprio generationis.

- rationis nomine appellanda est, est enim productio viuētis à viuente, à principio coniuncto, in similitudinem naturæ, per vim productionis.
- 25 Et producitur similis non tantum rei intellectæ, sed intelligenti etiam, non tamen ipse ideo generare debet.
- 26 Secunda ordine originis processio Spiritus Sancti nō est generatio, similitudinē enim naturæ nō habet ex vi volitionis; sicut ait Athanas. Spiritus Sanctus nō est genitus, nec factus, sed procedens.
- 27 Quare istæ processiones partim dici possunt se ipsis distingui, partim vero non distingui se ipsis.
- 28 Sicut enim propter suam maximam simplicitatem non differunt aliquo inter se, sic li, quatenus nos eas intelligimus, considerentur, propter diuersas formalitates distinguuntur.
- 29 Quemadmodum etiam vniuocæ, & æquiocæ diuersimodè consideratæ dici possunt.
- 30 Æquiocæ quidem, si considerentur immediati ipsorum termini.
- 31 Si vero consideretur terminus formalis quo, sic huiusmodi productiones plusquam vniuocæ sunt.
- 32 Absolutè tamen, & simpliciter vniuocæ sunt appellandæ, propter identitatem omnimodam termini communicati.
- 33 Et ex his sequitur necessariò, personas diuinas inter se distingui specie, si notionales spectentur conditiones, esse vero eiusdem speciei, si consideretur diuina essentia.
- 34 Nec tamen ob id pono in diuinis propriè vniuersale, & particulare, sed per quandam similitudinem (vt Damascē ait) ab humanis ad diuina ascendo.
- 35 Sicut nec propriè genus est ibi, nec species, nec psonæ vocari propriè possūt indiuidua vnius speciei.

DE RELATIONIBVS

in communi .

- 36 **R**ELATIO est ens reale, neque de-
pendet villo pacto in suo esse ab in-
tellectu.
- 37 **F**ictitium quoque est ponere duas rela-
tionis formalitates, quarum altera
vocetur, in, altera vero, ad,
- 38 Eadem enim est formalitas in, & ad, & cum in, reale
sit, reale quoque erit ipsum, ad,
- 39 Imo ipsum ad, vt ad, non solum refert subiectum ad
aliud, sed etiam dicit ordinem ad subiectum.
- 40 A fundamento autem non distinguitur realiter re-
latio quælibet, sicut quæuis minima formalitas.
- 41 Relationes autem in Deo dicunt perfectionem non
simpliciter, sed secundum quid.
- 42 Perfectio enim in communi nomen est transcendens
respectu absolutæ, & relatiuæ perfectionis.
- 43 Magis tamen absolutæ, quàm respectiuæ nomen
hoc perfectionis conuenit.
- 44 Et quamuis plures sint relationes propter persona-
rum pluralitatem, & vna perfectio non sit alia,
quia relationes oppositæ sunt impossibiles in
eadem persona, tamen, absolutè loquendo, quic-
quid perfectionis est in vna, est; & in alia, & quic-
quid est in tota Trinitate, in vnaquaque persona
reperitur, Ita vt vna persona sit in alia, tanquàm
subsistens in subsistente.
- 45 Est enim essentia tribus communicata vna numero,
quæ in se eminenter continet perfectiones etiam
illas, quæ non sunt meliores ipsæ, quàm non ipsæ.
- 46 Si autem de distinctione relationum ab essentia lo-
quamur,


B

quamur,

- quamur, sic nullam à parte rei distinctionem a-
ctualē admittimus.
- 47 Est enim vna simplicissima res, & simplicissima for-
malitas, quæ nec præcisè absoluta est, nec præ-
cisè respectiua.
- 48 Sunt enim in Deo vnita ad eo respectiua, & abso-
lutum, vt sua munera distinctè obeant, ac si essent
actualiter distincta.
- 49 Ita vt sit à parte rei vna res, & vnica formalitas emi-
nentissima, si relationes considerentur in ordine
ad essentiam; si vero inter se considerentur, sic
tres sint in Deo Res, & tres formalitates.
- 50 Tota verò actualis distinctio relationis ab essentia
sumitur per comparationem eius ad intellectum
creatum.
- 51 Ab intellectu autem diuino nullo pacto sumi potest
ista actualis distinctio, nisi quatenus intellectus
diuinus intelligit, formalitatem hanc intelli-
gi non posse à nobis, nisi sub ratione duplicis for-
malitatis limitatæ.
- 52 Quàmuis autem vna sit hæc formalitas, non tamen
est identificata relatio adæquatè, & omnino diui-
næ essentiæ.
- 53 Neque enim est identitas conuertibilis inter essen-
tiam, & relationes.
- 54 Ex quò virtualis, siue eminentialis sequitur inter
essentiam, & relationem à parte rei distinctio.
- 55 Quæ eadem ponēda est inter essentiam, & attributa
essentialia, & inter attributa inter se considerata.
- 56 Et quamuis à parte rei, iustitia sit realiter sapien-
tia, &c. cum posita tamen à parte rei virtuali di-
stinctione; si tamen hæc perfectiones consideren-
tur in ordine ad nos, falsum erit dicere, vnam es-
se aliam.

- 57 Significatur enim sic relatio rationis, quæ sufficiens est ad falsificandas tales propositiones.
- 58 Quod si dicamus, & absolutas perfectiones distinguere ratione ratiocinata, quæ distinctio fundatur in eminentia simplicissima, nihil derogabimus simplicitati diuinæ.
- 59 Iam verò ad relationes redeundo, in vna illa re simplicissima dicimus, relationes non esse de quiditate essentia, quamuis essentia sit de quiditate relationum.
- 60 Essentia namque hoc habet sibi intrinsecum vt sit in tribus personis; requiruntur tamen relationes, vt perfectè, & completè reperiatur in tribus.
- 61 Quare relationes istæ se habent per modum adiacentis respectu essentia, vel tanquam proprium respectu communis.
- 62 Distinctio autem paternitatis, filiationis, & spirationis passiuæ cum sit realis, actiua tamen spiratio non distinguitur, nisi virtualiter eminenter a paternitate, & filiatione; quamuis realiter distinguatur ab opposita sibi spiratione passiuæ.
- 63 Dicimus enim quatuor esse relationes, quamuis non sint quatuor res, cum res supponat pro essentia, aut pro personis tantum.

DE DIVINIS PERSONIS.

- 64  D cognoscendas diuinas has personas, quibusdam vt solent nominibus Theologi, quibus illarum distinctionem significant, sunt autem quatuor, scilicet, persona, suppositum, hypostasis, & substantia.
- 65 Personam autem esse dico, rationalis nature indiuiduam substantiam; siue intellectualis nature in

Communicabilem existentiam.

- 66 Iam vero quoniam dubium est de nomine *Sanctus*
ex communi tamen usu sanctorum Doctotum vti
eo possumus, non de rigore sermonis.
- 67 Personæ vero nomen non significat, quid absolutū,
sed respectuum, non tamen ut dicit, ad, sed ut est
proprietas hypostatica.
- 68 Subsistere autem, vniuersaliter loquendo, est perfe-
ctio simpliciter quamuis subsistere conditionibus
aliquibus modificatum in particulari non dicat
hanc perfectionem.
- 69 Tres autem esse in diuinis subsistentias respectivas
inter se realiter distinctas, certissime tenemus.
- 70 At vero probabiliter dici potest, ex sententia quo-
rundam, dari subsistentiam essentialem, & absolu-
tam, sed hæc nō ponit in numerum cum substan-
tijs relatiuis.
- 71 Inter vero subsistentes subsistentia relatiua, & sub-
sistentem subsistentia absoluta, discrimen hoc est,
quia subsistentes relatiuè habent omnia requi-
sita ad productionē, ad intra, vel actiue, vel saltē
passiue; at vero subsistens absoluta subsistentia ha-
bet omnia requisita ad operationem ad extra,
operationes enim ad extra sunt indiuisæ.
- 72 Quare vnitatem in Deo ponimus, & numerum, non
prædicamentalem, sed transcendentalem, qui po-
tius multitudo appellandus est.
- 73 Vnitatem quidem simplicissimam, & superessentialē,
effectiuum principium, & exemplare omnis
numeri creati, quo pacto Deus dicitur vnus, & v-
nitas, ordo, & numerus.
- 74 Numerum vero, propter pluralitatem personarum,
quæ tamen propriè numero non differunt, sūmen-
do numeri essentiam quomodolibet.

Quod

- 75 Quod si quæras, quid significet numerus in Deo, re-
spondetur, significari relationes ipsas.
- 76 Vnitas autem ponitur in Deo tam substantiue, quam
adiectiue.
- 77 Neque putandum est unitatem hanc vniuocè dici
de Deo, & creaturis, comparatio enim hæc abu-
sua est & impropria, nec vllā includit æqualitatē.
- 78 Ex numero autem diuino non tollitur vnitas essen-
tiæ, sed excluditur diuersitas.
- 79 Neque aufertur summa simplicitas, ne diuisio seque-
tur, aut separatio.
- 80 Neque itidem negatur virtutis indiuisio, vt æqua-
litas intelligatur.
- 81 Sed personalis admittitur distinctio, cum essentia
in distinctione.
- 82 Sicut ad tollendam personarum indistinctionem, fa-
temur illarum pluralitatem, & vnicum, ac singula-
ritatem reijcimus.
- 83 Ponimus quoque in diuinis ordinem originis, sed
alienitatem, non autem alietatem excludimus.
- 84 Est ergo Deus trinus, & Trinitas, idest trium vnitas,
non triplex, neque ter vnus, aut ter vnitas, sicut
Trinitas non debet dici trina, nec deitas trina,
quamuis Deus sit trinus.
- 85 Ex pluralitate autem unitatum non est inferenda
pluralitas bonitatum.
- 86 Et postremo profunda hæc diuinitatis cognitio na-
turali lumine cognosci nullo pacto potest, nec
demonstrari.
- 87 Necessaria tamen est homini ad salutem suam præ-
cipue cognoscendam.
- 88 Rationes verò, quas afferunt Doctores, ad hoc my-
sterium explicandam, & exempla non sunt de-
monstratiua.

Notio.

- 89 Notiones ad summum quinque rātum sunt, scilicet, inna scibilitas, paternitas, filiatio, spiratio, actiua, & spiratio passiuā.
- 90 Notio autem nihil aliud est, quam propria ratio cognoscendi personas diuinas.
Ex quo sequitur, ea, quæ dicunt ordinem ad actum essentialē, vel personalem non prædicari de notionibus.
- 91 Quæ vero essentialia sunt, nec vllum dicunt ordinē ad actum prædicari posse de notionibus.
- 92 Dari autem simpliciter notiones, necessarium est, Tum ob interrogationes Hæreticorum; tum quia reperitur vna persona, quæ ad duas refertur, Hoc autem fieri non potest, nisi diuersis relationibus.
- 93 Quamuis autem propositio hæc deitas creat, vera sit; ista tamen paternitas generat, est incongrua, licet enim per generationē producat̃ aliquid realiter distinctum à paternitate, quia tamen, tū ob alias causas, tum etiam ob hanc, quoniam sequeretur paternitatem generare aliam paternitatem, ideo non admittitur.
- 94 Necesse est autem ad huiusmodi propositiones verificandas in diuinis considerare rationem formalem actionum, scilicet, vt quicquid procedit per ipsam actionē, realiter distinguatur ab eo, à quo procedit, pro quo supponit subiectum.
- 95 Quare hæc propositiones Deus creat, & deitas creat, Deus generat, & Deus generatur, veræ sunt; falsæ autem istæ, Deitas generat, & Deitas generatur.

DE PERSONA PATRIS
in particulari.

- 96 **P**ERSONAE patris cōuenit esse prin-
cipium propter solam prioritatem ori-
ginis.
- 97 Dicuntur autem & omnes personę vñ
principium ad extra; principium ta-
men ad extra; & ad intra non dicitur
vñuocē.
- 98 At vero principium, vt dicitur de patre respectu fi-
lij, & de patre, ac filio respectu spiritus sancti, vñ
uocum est.
- 99 Sicut autem pater dicitur principium, ita filius dici
potest principatus posterioritatem originis tan-
tū intelligendo.
- 100 Dicitur quoque pater totius deitatis principium,
quia ipse est fons, & primum principium aliarū
personarum.
- 101 Cum autem pater appelleretur principium commu-
niter a Doctoribus latinis, Græci vero patres cau-
sę quoque nomen illi tribuerint, illorum qui-
dem optimus est loquendi modus, sed neque Græ-
corum est erroneus.
- 102 Neque enim conditiones omnes principij, quas assi-
gnant Philosophi, possunt conuenire Deo, & ta-
men appellatur principium. De rigore igitur ser-
monis non est erronea propositio hæc, Pater est
causa filij, quamuis, propter communem aliorū
vsum, non sit ita loquendum.
- 103 Conuenit etiam primę personę nomen paternita-
tis notionalis, paternitas enim essentialis toti tri-
nitati conuenit.

- 104 Multa autem discrimina sunt inter paternitatem in diuinis, & in humanis, quare analogicè conuenit paternitas paternitati increatæ, atque creatæ.
- 105 Principale uero analogatum est paternitas increata. vnde colligitur, ex sententia Damasc. paternitatis nomen à diuinis esse trāstatū ad humana, & non è contra.
- 106 Paternitatem autē notionalem subsequitur essentialis; attributa enim essentialia, quæ in suo formali significato includunt respectum ad creaturas propter connotatam productionem creaturarū in actu positam; posteriora sunt secundū rationē.
- 107 Vocatur quoque pater ingenuus, & quamuis fuerit olim hoc nomen suspectum, receptum est tamen ab Ecclesia, soli que patri propriè conuenit.
- 108 Spiritui autem sancto nullo pacto cōuenit, quod sicuti ingenuus appellatur, eatenus verificatur in hoc nomen de illo, quatenus non est productus per generationem.
- 109 Dicitur autem pater potius ingenuus, quam improductus; vt per primæ productionis negationem excludantur aliæ.
- 110 Imaginatio autem illa, quam Scorus posuit, & reiecit, qua possumus imaginari patrem, vt productū, omnino reiicienda est.
- 111 Determinatur enim ex se diuina essentia ad paternitatem primitate immediationis, & non tanquā ad vñum positiuum, sed tanquam ad alteram partem contradictionis.
- 112 Cum vero omnis negatio reducatur ad affirmationem, nomen ingenui supponit in patre non fontalem plenitudinem, siue principij auctoritatem, sed paternitatem, quatenus est immediatè coniuncta diuinitati.

- 113 **R**ILIO Dei conuenit nomen verbi,
est enim personale nomen verbum;
non essenziale.
- 114 **R**Verbo autem duæ præcipuæ conueniunt
conditiones, scilicet, realiter proce-
dere, & esse representatiuum.
- 115 Neque verbum ponitur in diuinis metaphoricè, sed
proprie, & realiter.
- 116 Producitur autem verbum non per solius essentiæ
cognitionem, in primo instanti naturæ; sed per
intellectionem essentiæ diuinæ; personarum, &
substantes sunt, siue intuitiua cognitione, &
creaturarum, & omnino per intellectum eorum
omnium, quæ realiter in essentia diuina relucet.
- 117 Cognitio autem hæc appellatur notitia simplicis
intelligentiæ, non quia duplex sit in Deo intelle-
ctio, altera simplicis intelligentiæ, altera vero vi-
sionis, sed huius distinctio sumitur à rebus diuer-
simodè consideratis.
- 118 Cum enim necessario producat verbum produci
etiam debet. per intellectionem eorum, quæ ne-
cessario intelliguntur.
- 119 Necessariò autem intelliguntur creaturæ etiam se-
cundum esse formale, abstrahendo tamen ab actu
existendi in aliqua differentia temporis, quam-
uis non necessariò amentur.
- 120 Dicit vero Verbum relationem exemplaris causæ
ad creaturas, non secundum proprietatem perso-
nalem, sed secundum propriam rationem.
- 121 Et quo ad vim nominis verbum formaliter, & præ-
cipuè dicit absolutum quid, ex connotato verò

- respectuum, significat enim esse productum per intellectum.
- 122 Appellatur vero filius imago patris, & hoc habet ex propria ratione suæ productionis.
- 123 Est enim omnimoda similitudo inter patrem & filium, & quæ in humanis reperiri non potest.
- 124 Dicit quoque ordinem originis ad patrem, & potestatem, & quod consubstantialis est patri ex vi originis.

DE PERSONA

Spiritus Sancti.

- 125 **S**PIRITUM Sanctum à patre, & filio procedere certo: certius est, neque propositionem hanc alicui sancto patri Græco aduersari opinor.
- 126 Quod si qua est apparens in Damasceno discordia, ea facillimè tollitur ex doctrina Doctissimi Bessarionis in concilio Florentino, Propositio enim ex significat patrem esse principale principium, quod verissimum est.
- 127 Conueniunt ergo in sensu Græci Sancti cum Latinis, quamuis in verbis differant.
- 128 An verò si per impossibile Spiritus Sanctus nõ procederet à filio, distingueretur ab eo, probabiliter defendo.
- 129 Pater autem & filius vnum sunt principium producenti Spiritum Sanctum, & propositionem hanc esse maxime propriam.
- 130 Neque vero vnum principium supponit in hac propositione pro aliquo subsistente constituto ex actiua spiratione, & essentia.
- Neque hæc propositio intelligitur de vno principio colle-

- colleciue, sed per vnum principium intelligi quodammodo confuse quidem duas. personas iam constitutas filiatione, & paternitate; determinate vero patrem, vel filium.
- 132 Quare hæc propositio, pater, & filius sunt vnus spiritor vera est, sicut vera est hæc etiam de prædicato adiectiuo, pater, & filius sunt duo spirantes.
- 133 Pater autem propter virtutem generatiuam, & productiuam nullo pacto dici potest duo principia.
- 134 Vtrum autem de ratione formali Spiritus Sancti ex parte ipsius, vt distincta persona est, sit procedere ex pluribus?
- 135 Amoris nomen propriè conuenit Spiritui Sancto, si personaliter sumatur.
- 136 In hac propositione, pater & filius diligunt se Spiritu Sancto, an illud diligere sumatur notionaliter, vt vult Sanctus Thomas, An vero nec purè essentialiter, nec purè notionaliter, vt voluit Scotus? non enim opponuntur inter se istæ opiniones.
- 137 An Spiritus Sanctus procedat vt amor bonitatis primæ, secundum quam pater amat se, & omnem creaturam?
- 138 Donum est propriè nomen personale, & attribuitur Spiritui Sancto, licet non possit haberi ratio doni inter personas ad intra.
- 139 Possunt tamen diuinæ personæ donare se ipsas, ita vt nomen doni sit essentialiter.
- 140 Filius & Spiritus Sanctus tantum doni nomen habent respectu originis, quia sunt alterius.
- 141 Propriè tamen donum, vt habet rationem primi doni, conuenit Spiritui Sancto; non tamen Spiritus Sanctus est primum donum respectu creaturarum simpliciter, sed respectu rationalium tantum.
- 142 Imò primò nomen doni significat respectum donabilitatis,

- bilitatis, & secundario vt dicit respectum ad do-
 nantes.
- 143 Nomina cōcreta essentialia possunt supponere pro
 persona, item pro essentia, & pro duabus personis
 in diuersis propositionibus; ad hoc tamen vt sup-
 ponant pro persona debet adiungi terminus no-
 tionalis.
- 144 Essentia autem neque generat, neque generatur.
- 145 Constituuntur & distinguuntur personæ per pro-
 prietates, quæ sunt ipsæ personæ, & in ipsis.
- 146 Hæc autē constitutio realis est, quicquid alij dicant.
- 147 Proprietates autem non sunt entitates absolutæ.
- 148 Neque constitutio diuinarum personarum est per
 origines, sed per relationes, vt relationes sunt,
 vel, vt proprietates hypostaticæ sunt constitutiue
 personarum; licet non possit intelligi intelle-
 ctione distincta & adæquata pater ante actum ge-
 nerationis.
- 149 Non enim paternitas ex parte rei habet fundamen-
 tum, idest actum generandi pro fundamento, in
 quo fundetur, sed immediate, & naturaliter vni-
 tur cum ipsa essentia, tanquam suppositum eius,
 & simul habet actum generationis.
- 150 Actus notionales significant essentiam connotando
 personam, vel absolutum, & respectuum.
- 151 Filius voluntate, & necessitate producitur à patre,
 licet non producatür per voluntatem, si per prin-
 cipium productiuum significetur ipsa voluntas.
- 152 Velle autē generare nō est prius ratione, quā gene-
 rare, imò secundū nos velle est posterius, ex pat-
 te rei autē concomitatur velle ipsum generare.
- 153 Relationes diuinæ non sunt potentie productiue
 ad intra; sed essentia est principale principium
 productiuum; licet non proximum, & immedia-
 tum,

- tum, sicut terminus formalis productionis, ut
quo, est essentia diuina.
- 154 An æqualitas in diuinis sit relatio realis?
- 155 Datur missio personarum, quæ est temporalis tantum.
- 156 Et quia non mittitur persona, nisi per gratiam gratum facientem, ideo per donum gratiæ gratum facientis mittitur Spiritus Sanctus.

DE SACRAMENTIS

in communi.

- 157 **S**ACRAMENTVM nil aliud est, quam rei sacræ signum, & hæc descriptio est conuertibilis.
- 158 Constat autem ex rebus, & verbis, præsertim de Euangelicis loquendo, tanquam ex materia, & forma.
- 159 Et quamuis non omnia Sacramenta habeantur explicitè in scripturis, credendum tamen est verbotenus fuisse à Christo instituta.
- 160 Necessitas autem verborum sumitur ex parte efficientis, recipientis, & ex parte significationis.
- 161 Quamuis autem non liceat verbis Sacramentorum addere, vel detrahere aliquid, conficitur tamen Sacramentum, si corruptio, additio, detractio, interpositio, & transpositio non tanta sit, ut totam significationem tollant.
- 162 Sic etiam si Minister nouum velit inducere ritum, nihil conficit.
- 163 Necessaria autem sunt Sacramenta ad salutem ante, & post Christi aduentum.
- 164 Ante vero peccatum Sacramenta nullo pacto erant necessaria.

Sacra-

- 165 Sacramenta autem nouæ legis cōferre gratiam causalitate actiua instrumentali tenemus.
- 166 Habent autem Sacramenta virtutē à passione Christi, in illa enim Christus nostrę redemptionis mysterium perfecit.
- 167 Gratia vero Sacramentalis superaddit aliquid gratiæ communiter dictæ, virtutibus, & donis.
- 168 Necessariò autem fatendum est dari debere characterem.
- 169 Est autem character iste potestas quædam supernaturalis, per quam idonei sumus ad exercendum cultum Diuinum.
- 170 Character autem iste Sacramentalis, qui per tria Sacramenta imprimitur, scilicet, Baptismum, cōfirmationem, & ordinem, dicitur esse Christi, quatenus per ipsum ipsius milites dignoscuntur.
- 171 Est autem character in potentia intellectiua tanquā in subiecto, non in essentia animæ, neque in voluntate, neque in potentia executiua.
- 172 Gratia vero perficit essentiam, non aliquam animæ potentiam.
- 173 Ideoq; distinguitur realiter à charitate perficiente voluntatem.
- 174 Character autem quoniam nihil habet contrarium indelcibilis est, & etiam quia dicitur configuratio Sacerdotij Christi.
- 175 Sacramenta igitur nouę legis ex opere operato hos effectus instrumentaliter causant. At vero Sacramenta veteris legis nullo pacto erant collatiua gratiæ, quamuis hominibus tunc cōferretur gratia per fidem.
- 176 Erat igitur circuncisio figuratiua baptismi, & quodammodo purgatiua.
- 177 Sicut etiam dici poterat rememoratiua culpæ, & anago-

- anagógicam signum futuræ impassibilitatis.
- 178 Benè vero instituta fuit in Abraham in signum futuræ Christi incarnationis, & ad distinctionem Israël ab alijs gentibus.
- 179 Octavo die meritorè circumcisio fiebat, & post octauū quoque diem, antè vero non licebat.
- 180 Pueris autem illis tunc in vitæ discrimine constitutis satis erat applicatio fidei, quæ fiebat in lege naturæ.
- 181 Sicut etiam fēminis in ipsa lege scripta sufficiebat ista applicatio.
- 182 Talis autem applicatio non requirebat fidem formatam, aut informem necessario, sed sufficiebat actus fidei applicantis, confusè saltem.
- 183 Sed vtrum applicatio hæc fieret per signum aliquod exterius?
- 184 In Sacramentis veteris legis virtute fidei conferebatur gratia etiam quoad effectus positiuos, & ad tollendam concupiscentiam, nunc verò & in Sacramentis & per Sacramenta confertur nobis gratia virtutem habentia à passione Christi iam exhibita.
- 185 Iam vero, loquendo de causa Sacramenti, minister Sacramentorum dicitur ministerialiter concurrere ad gratiam.
- 186 Christo autem, vt homo est, conuenit concurrere ad internos effectus Sacramentorum, meritorie, & efficienter.
- 187 Habet enim mediam potestatis excellentiam, quæ soli ipsi conuenit.
- 188 Hæc autem potestas excellentiæ quæ data fuit Christo quatenus homo est, poterat etiam ab eo puris communicari creaturis, propter diuinam tantum acceptionem, & ex suppositione.

- 189 Ministri autem tam boni, quam mali ministrare possunt Sacramenta, cum habeant characterem indelebilem, quamuis mali non debeant.
- 190 Imò etiam infideles tempore necessitatis conferre possunt baptismum.
- 191 Malitia igitur Ministri quo ad mores sibi tantum nocet, si sit occultus, si vero manifestus sit Hæreticus, vel Schismaticus, &c. sibi nocet, & consentientibus, sed seruatur Sacramenti veritas. malitia vero quæ spectat ad essentiam Sacramenti, tollit ipsum.
- 192 Peccant ergo ministri mali Sacramenta ministrando, peccatum autem mortale est.
- 193 Angeli quoque possunt ministrare Sacramenta non tamen ordinariè, sed extraordinariè, & per commissionem.
- 194 Dæmones autem nullo pacto conferre possunt Sacramenta.
- 195 Necessaria vero est ad conficienda Sacramenta intentio saltem virtualis, & confusa.
- 196 Sunt autem ecclesiæ septem Sacramenta varijs collecta rationibus; scilicet, baptismus, confirmatio, Eucharistia, poenitentia, extrema unctio, ordo, & matrimonium.
- 197 Et bene constituta sunt hoc ordinè disposita Sacramenta.
- 198 Quod si spectetur nobilitas Sacramentorum, tunc quia nobilitas sumitur à substantia Sacramenti, sic Eucharistia est perfectissimum Sacramentorum omnium.

- 199 **P**RIMA Philosophia pro obiecto adequato habet ens, ut ens est; agit enim de primis abstractis tam secundum essentiam, quam secundum indifferentiam.
- 200 Ens autem hoc analogum est respectu Dei, & creaturarum, substantiæ, & accidentis; ab vno autem, vel ad vnum, respectu substantiæ tantum, & accidentium.
- 201 Neque habet propriè ens passionem, sive primo, & vniuersaliter, sed vnum, verum, bonum, & ens esse multiuoca.
- 202 Sicut impropriè habere ens dicitur diuisionem, sed solum enumerationem.
- 203 Omnes autem homines naturaliter scire desiderare, verissimum est; appetitus autem iste est rationalis.
- 204 Philosophiæ naturalis obiectum primum, & adequatum non est ens mobile, sed corpus naturale, ut naturale est.
- 205 Quod autem primo cognoscitur, est indiuiduum vagum accidentis sensibilis communis.
- 206 Quantitas vero realiter distinguitur à substantia.
- 207 Maximum & minimum in rerum natura datur definitè, & indefinitè.
- 208 Elementa autem extrinsecè determinantur ad maximum, & ad minimum.
- 209 Rerum principia contraria sunt, & non contraria; sunt autem principia, quæ neque ex alijs, neque ex alterutris, sed ex illis omnia sunt.
- 210 Tria autem omnino sunt, scilicet materia, forma, & privatio,

- priuatio, quæ per se requiruntur ad cuiuslibet rei
 productionem.
- 211 Materia quæ subiectum primum est, ex quo fit ali-
 quid, cum insit, in completa substantia est.
- 212 Habet autem proprium actum entitatum, non au-
 tem formarum inchoationem.
- 213 Fictitia quoque est corporeitas illa, quam aliqui
 ponunt.
- 214 Includit etiam quantitatem coarctatam interminatam.
- 215 Materia vero cæli diuersa est à materia horum infe-
 riorum.
- 216 Natura est principium motus, & quietis eius, in quo
 est primo, per se, & non secundum accidens.
- 217 Hæc autem definitio cælo etiam conuenit, quamuis
 altiori modo.
- 218 Conuenit etiam animæ rationali, quamuis & ipsi la-
 tius naturæ nomen acceptum conueniat.
- 219 Forma vero non solum est nobilior materia, sed etiã
 ipso composito, nempe forma in materia.
- 220 Causarum genera quatuor tantum sunt, scilicet ma-
 teriale, formale, efficiens, & finale.
- 221 Fortuna vero, & casus, illa quidem in rationi par-
 ticipibus, hic vero in agentibus naturalibus sunt
 causæ per accidens.
- 222 Motus est actus entis in potentia, prout in potentia.
- 223 Infinitum actu nõ datur in rerum natura, nec etiã
 fieri potest.
- 224 Locus est superficies corporis continentis, immo-
 bilis, & est formaliter de prædicamento quan-
 titatis.
- 225 Sumitur autem immobilitas loci non à distantia
 quadam, neque per æquiualentiam, nec postre-
 mò, quia per accidens moueatur, sed propter im-
 mutabilem corporum recto motu mobilium locū,
- de hoc

- de hoc enim egit Aristoteles, & eundem semper
cœli motum circa centrum.
- 226 Vacuum autem non datur in rerum natura, neque si
daretur, in eo fieri posset motus successiuus.
- 227 Tempus est numerus motus, à quo non distinguitur
realiter, secundum prius & posterius, est autem
numerus numeratus, idest, mensura motus nullo
pacto dependēs ab intellectu in suo esse formali.
- 228 Omne autem, quod mouetur, ab alio moueri necesse
est, quare necesse est, vnum dari primum mouens
immobile.
- 229 Vtrum cœlum sit compositum ex materia, & forma?
- 230 In cœlo sunt positionum differentia ex natura rei.
- 231 Cœlestia corpora non sunt vnius speciei specia-
lissimæ.
- 232 Astra vero omnia differunt inter se specie.
- 233 Vtrum autem dentur influentia?
- 234 Cœlum agere dicitur in hæc inferiora per lumen, &
motum; & hoc sphaera Solis tribuitur, quæ simul
& propter lumen, & propter suum motum agere
potest.
- 235 Alteratio est motus continuus.
- 236 In generatione, & corruptione non necesse est fieri
resolutionem vsque ad materiam primam.
- 237 Augmentatio est conuersio nutrimenti in substan-
tiam nutriti per actionem caloris naturalis factā
ab anima, vt viuens debitam sibi quantitatem at-
tingat.
- 238 Elementa autem in mixto non remanent actu, & for-
maliter.
- 239 In quolibet autem elemento reperitur duplex qua-
litas, altera in summo, altera vero remissa.
- 240 Anima est actus primus corporis Physici, organici,
potentia vitam habentis.

- 241 Intellectiua vero anima est forma informans, non
autem forma asistens.
- 242 Est autem tota in toto, & tota in qualibet parte.
- 243 Et est immortalis, atque impassibilis.
- 244 In vno autem composito non necesse est plures ani-
mas reperiri, sicut non est vna anima in omnibus
viuentibus.
- 245 Potentiæ animæ non dependent ab anima in gene-
re causæ efficientis, vel formalis.
- 246 Vegetatiua anima continet nutritiuam, augmenta-
tiuam, & generatiuam potentias.
- 247 Istæ vero neque inter se, neque ab anima distingu-
tur realiter.
- 248 Sensitiuæ animæ potentiæ quinque sunt exteriores,
& quatuor interiores; & sensatio fieri non potest
sine medio.
- 249 Intellectiua vero anima, vt nobilior est, ita nobilio-
res continet potentias, & eminenter omnes ani-
marum inferiorum perfectiones.
- 250 Ita vt inferiores potentiæ superioribus subijciantur
in suis operationibus, superiores verò præcipuè
ad acquirendam perfectissimam felicitàtem con-
ducant.

